



Hapšenje na području Zvornika

Nedžad Mujić osumnjičen za finansiranje terorizma

Policijски službenici Državne agencije za istrage i zaštitu (SIPA) jučer su, postupajući po naredbi Tužilaštva BiH, na području Zvornika, u mjestu Šepak, izvršili pretrase na dvije lokacije i

uhapsili Nedžada Mujića, zbog sumnje da je finansirao terorističke aktivnosti.

Tužilaštvo BiH i partnerske policijske i sigurnosne agencije, prikupile su dokaze da je Mujić u više navrata boravio na području Sirije i

vraćao se u BiH, te je osumnjičen za povezanost sa odlascima naših državljana na područja Sirije i Iraka i pridruživanje ISIL-u, saopćilo je Tužilaštvo BiH.

Osumnjičeni će biti ispitan, nakon čega će biti odlučeno

o daljim aktivnostima prema navedenom osumnjičenom.

Tužilaštvo BiH poduzima aktivnosti u borbi protiv terorizma, naročito u vezi s nezakonitostima povezanim sa odlascima državljana BiH na ratišta Sirije i Iraka.